

集部

欽定四庫全書縣都

詳校官編修臣曹 城

中書日劉源河發勘

覆校官中書日朱 校對官中書臣 腾舒監生日沈 胡紹昱 鈴 浩

次已日本 江西 面 下戮者王莽也尚以全有天下號令行乎海内者為正 TACH 八禍者晉也其取之也同而身為天 遜志齊集 者秦隋也篡弑以得之無術 代也智力而取法術而守者 方孝孺 撰

得而無之推斯意也則养的不誅論正統者亦将與之 猶無莽何也謂其無成而受誅也使光武不興而莽之 統耶則此皆其人矣然則湯武之與秦隋可得而班乎 金岁中五石量 矣嗚呼何其矣也正統之説何為而立耶尚以其全有 **熙晉也其意以為後人行天子之禮者數百年勢固不** 子孫襲其位則亦將與之乎抑點之乎昔之君子未曾 其篡也而晉亦篡也後之得天下而異乎晉者寡矣而 漢唐之與王莽可得而並乎莽之不齒乎正統久矣以

也的欲假此以寓褒貶正大分申君臣之義明仁暴之 天下故以是名加之則彼固有天下矣何不加以是名 别内夏外夷扶天理而誅人偽則不宜無辨而狠加之 次定四車全書 得天下者雖其勢力之强無所為而不成然其心私計 為萬世勸戒不能探其那正逆順之實以明其是非而 而深念未當不畏後世之公議今將立天下之大法以 以是名使聖智夷乎暴禁順人者等乎逆就也僥倖而 縣以正統加諸有天下之人不亦長僥倖者之惡而為 遊志衛集

為可非聖人而謂之聖人人皆知其不然不可為正統 翟莊周李斯孟軻揚雄俱為聖人而傳道統也其孰以 能統一字內而動不以正者多矣泰隋其尤也動不以 處非其地用非其時聖君賢王亦不足以成治功古之 聖君賢王之羞乎適事機之會庸材小人皆可以得志 而加之以正統之號則安之而不知其不可是尚可以 此名乎故謂周泰漢晉隋唐宋均為正統猶謂孔子墨 正而以正統稱之使文武周公而有知其不羞與之同

飲定四車全書 四 以秦隋而方乎周豈直二子之與伊尹周公哉使孔子 如仲由再求而以為大臣則伊尹周公将曷以名之乎 莫及也苟為大臣未見其為過而孔子慎而不許益才 建之萬世而無與乎名者聖人之所慎也李子然以冉 矣嘗試論之曰天下有正統一變統三三代正統也如 而出其不混而稱之也決矣益必有其道馬而不可知 伊尹周公大臣也則二子非其類矣故曰可謂具臣矣 求仲由為大臣孔子忿然争之若二子之才魯之諸臣 逐志齊集

也蓋竊取孔子之意也 立而勸戒之道明僥倖者其有所懼乎此非孔子之言 天位雖革命改物如偽周之武氏亦不可繼統矣二統 泰與隋使傅數百年亦不可為正矣若夫以女后而據 有天下亦不可為正矣守之不以仁義戕虐乎生民如 漢如唐如宋雖不敢幾乎三代然其主皆有恤民之心 之意數奚謂變統取之不以正如晉宋齊梁之君使全 則亦聖人之徒也附之以正統亦孔子與齊桓仁管仲

必得故賢主有所勸而姦雄暴君不敢萌陵上虐民之 能及而不勉於為善矣其弊至於使人懈怠而無所勸 智力得而不務脩德矣其與至於使人驕肆而不知戒 其有天下同也惟其或歸諸正統或歸諸變統而不 舉三代而下皆不謂之正統則人將以正統非後世所 之說明舉有天下者皆謂之正統則人將以正統可以 正統之說立而後人君之位尊變統之名立而後正統 釋統中

次足四車人書

遊志衛集

有天下哉以其建道德之中立仁義之極操政教之原 為正也而可乎吾之說則不然所貴乎為君者豈謂其 統的如是則仁者徒仁暴者徒暴以正為正又以非正 其常而參之以變統然後其變可得而盡也朱子之意 外而竊笑吾法之疎是孰若無法之愈乎故正統以處 心朱子綱目之作所以誅暴止亂於前而為萬世法也 曰周秦漢晉隋唐皆全有天下矣固不得不與之以正 立一法而不足盡天下之情偽則小人將馳騖乎法之

之也變統之君非吾賤之也賢者得民心得民心民斯 之美乎故周也漢也唐也宋也如朱子之意則可也晉 其德民必惡之當時惡之後世以其位而尊之則違乎 尊之矣民尊之則天與之矣安得不貴之乎非其類無 處之以天子之制變統則不得並馬正統之君非吾貴 非其所據而據之是則變也以變為正奚若以變為變 有以過乎天下也有以過乎天下斯可以為正統不然 也秦也隋也女后之稱制也不謂之變何可哉正統則

欠已日年二十月

遊志衛集

金石口人自己 子養沒以天子葬嚴然帝中國而臣四夷天下莫與敵 夫所謂變統之制者何也異於天子之禮也彼生以天 正統尊奸邪息 孫雖甚愚不肖尚未至於亡國猶尊之以正統之禮賤 天矣故不得不贱之也贵不特於其身而又延及於子 夫如是而後寝貶明夫如是而後勸戒者夫如是而後 不特於其身而其子孫雖有賢智之才亦不能揜其惡 釋統下

私爱於君子不敢私尊於父大中至正之道質諸天地 世者義也勢行於一時義定於後世義之所在臣不敢 大矣曷為而異其禮盖其所可致者勢也不可惜乎後 皇太子后及太子及皆曰崩葬必書其陵其諡有事可 所言必書祀典必書封拜必書書后曰皇后書太子曰 君始立則大書其國號諡號紀年之號凡其所為公書 參諸鬼神而不成也何謂天子之禮正統是也正統之! 紀者紀其事所措置更革曰詔曰令曰制兵行曰討曰 遊志衛集

一次定四車全馬一

之名及其主之及也特書曰死其黨之與謀陳力得罪 國其臣慢之者必因事贬之知尊正統者雖微必進之 亂賊也就不可為正統也則盜賊之雄耳必慎抑揚予 征曰伐施惠曰赦曰大赦施刑當罪曰誅曰伏誅違上 曰犯嬪正統之君公易解書其故見殺曰弑而書其主 奪之辨其以兵侵也曰入冠得地曰陷據都曰據至闕 不幸而至於良微受制於强暴或屈而臣之强暴者誠 興兵者口反口作亂口犯口冠口侵倍之者曰叛其鄰

次已日年 三十二 来歸不為本國而反者彼亦不得而盜賊之也亦曰起 主之地其民有思故國而叛之者曰起兵以地降者曰 之意變統之異於正統者何也始一天下而正統絕則 殺将相則名其主正統之臣降於亂賊則亂賊之死不 以致喜之之意正統亂亡則詳書而屢見之以致惜之 日卒而日死几力能為正統之患者滅亡則異文書之 於正統者雖功多皆書曰死以者其罪以絕其惡得共 兵得郡則曰取某郡其誘正統之臣曰誘執曰執殺曰 避点衛集

書常祀不書或書以志失禮或志禮之所從變則書立 書甲子而分註其下曰是為其帝其元年書國號而不 金分正五百言 **飲之臣曰死酷吏曰死浮屠之位尊而因事得書者曰** 死曰夷大臣曰卒佐篡弑對征伐以危正統者曰死聚 行幸非關得失不書記令非有更革不書其崩可阻后 后不書尊封其屬不書非賢臣雖王公拜罷卒藝不書 書大書帝而不書皇書名而不著諡其所為非大故不 死毀正統陵廟宫室名其主 用兵不曰討不曰征伐刑

貴也故君子之於變統外之而不親也微之而不尊也 次足可重合告 题 斷斷乎其嚴也関関乎恐其久也望望乎欲正統之復 禄寵俸之臣愈貴而愈賤也守道不行之士愈賤而愈 術於後世則書有愈貴而愈賤者有愈賤而愈貴者利 一變統者能安中國則書能正暴亂除民害則書能明道 弑非恶乎君也惡乎女主惡乎女主非其君故不得以 其人不曰誅天下怨而起兵惡而起兵不曰反惡乎篡 君道臨之也惟於其臣於其親黨則得致其罪士之仕 遊志齊集

一疑之事宣其愿之未周歟蓋慮之所能及者人事之宜 其所不疑然而禍常發於所忽之中而亂常起於不足 幾何而不減乎立變統所以扶人極能言抑變統者君 位終于不復反正篡弑而不亡暴虐而繼世生民之類 慮天下者常圖其所難而忽其所易備其所可畏而遺 子之所取也 也是何也為天下慮也奚而為天下慮使女主而乘君 深處論

金りゃんと言

懲哀平魏之懲漢晉之懲魏各懲其所繇亡而為之備 火了日日八十 懲秦之孤立於是大建庶孽而為諸侯以為同姓之親 諸侯一天下而其心以為周之亡在乎諸侯之强耳變 然而出於智力之所不及者天道也當秦之世而滅六 析之而分其勢以為無事矣而王莽卒移漢祚光武之 世守而不知漢帝起能的之匹夫而卒亡秦之社稷漢 封建而為郡縣方以為兵革可不復用天子之位可以 可以相繼而無變而七國前篡弑之謀武宣以後稍剖 遊志衛集

之子多死於鬼彼豈工於活人而拙於活已之子哉乃 之審矣慮切於此而禍與於彼終至於亂亡者何哉蓋 智可以謀人而不可以謀天良醫之子多死於病良巫 人之智員蓋世之才其於治亂存亡之幾思之詳而備 力弱而易制而不知子孫卒国於殭冠此其人皆有出 悟宋太祖見五代方鎮之足以制其君盡釋其兵權使 孫求人於疑似之際而除之而武氏日侍其左右而不 而其亡也皆出其所備之外唐太宗聞武氏之殺其子

金月上人有

計而惟積至誠用大德以結乎天心使天眷其德若慈 非智慮之所能周非法術之所能制不敢肆其私謀詭 工於謀人而拙於謀天也古之聖人知天下後世之變 火色日中白日 之無危亡此理之所必無者也而豈天道哉 自結於天而欲以區區之智龍絡當世之務而必後世 以亡國而天下不忍遽亡之此慮之遠者也夫尚不能 母之保赤子而不忍釋故其子孫雖有至愚不肖者足 深慮論二 遊志商集

於死此死者交首於世而不悟也夫天下固未當好亂 石固不害其為生泄敗之壞傷之而恃樂石以為可免 一氣而調其榮衛使寒暑燥濕之毒不能好其中雖微藥 於飲食嗜欲之際而慎察於喜怒悲樂之間以固其元 能使天下無亂不治其致疾之源而好服藥者未有不 藥石所以治疾而不能使人無疾法制所以備亂而不 金万日人と 人身未常有疾也疾之生也必有致之之繇誠能預謹 死者也不能塞禍亂之本而好立法者未有不亡者也

上以耕有業以為有栗米布帛以為衣食而後禁之則 次已日年在日 之無相攘奪盗竊也必先思其攘奪盗竊之器使之有 之後而令之於未當為之先故法行而民不怨欲禁民 盡心於法制之外非惑與聖人之法常禁之於不待禁 於法制之外者矣人常拘拘馬盡心於法制之內而不 亂順其道則安逆其道則危其治亂安危之機亦有出 故也夫人民者天下之元氣也人君得之則治失之則 也而亂常不絕於時豈誠法制之未備與亦害其元氣 遊志商集

民視之如霜雪之殺雷霆之擊以為當然而不敢以為 其無貪贖也必先使之知畏戮辱而重廉耻夫先使之 一然乎忠厚知暴戾詐偽不率倫紀之為非然後可得而 也必先為學以教之行道以化之使之浸清乎禮讓重 息也欲其無相淫亂也必先使之無鰥寡怨曠之思欲 攘奪盜賊可止也敬禁民之無為暴戾詐偽不率倫紀 非特法之所不容亦民之所不容也故刑罰加於下而 可以無犯乎法而猶犯之者此誠玩法之民也玩法者

曷若治其本邪 性而責其無為邪僻禁其無為暴亂法制愈詳而民心 非故民晓然知上之法所以安已也非所以居己愛戴 次已日東自島 砭及其死也不尤養生之無道而責針砭之不良嗚呼 愈離欲保國之無危是猶病內樂之疾而欲求活於針 繇而成事以其能固民之心也不能使之安其生復其 其上而不忍離卒有至由極悍之徒前無上之心亦無 深慮論三 . 逐志齊集

其宜於民情則可矣奚必使其一出於已而後為政哉 必有善者及其子孫一旦而敗之亦必有不善者的去 其不善而復其善增益其所未足而變更其所難循求 繼世而有天下者必視前政之得失而損益之知其得 三代以降昏主敗國相尋於世者非他皆欲以私意更 其政而無公天下之心故也舜繼克未當改於克之政 天下遠者至於數十世近者百餘年而後亡其先之政 而不知其失懲其失而盡革其舊此皆亂之始也夫有

Paralle Like 10 者也周之政可謂善矣本於唐虞二代之為而損益於 知周之法未當過於寬與弱也當周之裏國自為政計 弱於是更之以强周之刑過於寬於是易之以猛而不 武王周公二聖人之心後世雖有智者豈能過於二聖 以私意為之也以私意為天下者懲其末而不究其本 反無約之所為復之於禹湯之舊損益之而已未當敢 禹繼舜守舜之法而不敢損益湯之繼祭武王之繼約 人哉暴春起而繼之見其子孫敗於削弱則曰周之政 遊志齊其

使其調而已不善治亏者則折而棄之而更以朽殊敗 公之舊而重之以强濟之以猛於是天下怨苦而叛之 金月四月全書 泉為亏以射射而不中乎禽宣禽之過哉棄良亏之過 非民之罪也變更之道非也夫政譬之弓然日用之則 堪其主之暴虐於是亡六國而為秦則周之諸侯以强 調越月踰旬而不用之則歌善治亏者見其欹則檠之 與猛而亡非過於弱與寬也春不知其故不反武王問 刑容禁四布而百出武王周公之遗意掃蕩無遺民不

載之後舉而行之而無弊者其惟武王周公之法乎 以其善射而擇之精也後世之政其得失未可定也干 也天下之方不能必其良否惟羿之弓不問可知其良 其嗜欲好惡喜怒之節而勿違其性使性安於我而無 心難合而易離譬之龍蛇虎豹然欲久畜之則必先求 大患在於治之非其法其次則患守法者非其人也民 有天下者常欲傳之於後世而不免於敗亡者何哉其 深慮論四

火元日年 三十二

遊志商集

禁使後世雖庸夫小子能守吾法而不變亦可以畜之 著之於書日如是則可以久畜如彼則將逸去而不可 康昭穆以下惟宣王為賢其他者與漢唐亂亡之主無 馬亂亡因吾法以起而可謂之天命乎周之嗣王自成 而亡也歸罪於子孫而委諸天命可也尚吾法有未盡 而不失此創業者之責也法可以治而亂也法可以存 人未能皆若吾之用心專且勞於是立為畜之之法而 他慕之心然後可得而畜也既不失其性矣猶恐後之

免於亂况胡亥之刻虐乎故二者俱弊而亡者秦也隋 一亡故其弊在乎法不足周事而不可專罪守法之非人 文色の事任的 若秦之法固不可得守矣使有賢主繼始皇之後猶不 漢唐之法駁雜而疎畧得賢主則治不得其人即亂而 而朝者乎故周之弊在乎守法者非其人而不在乎法 出赫然奮發舉文武之遺典而修明之諸侯有不飲衽 法善也當七國之時周雖已東使有賢主如宣王者復 異然而至於七百餘年而後亡者守法者雖屬劣而其 遊志齊集

之法與素異而守法者與素同故法雖不足以取亡而 使其不為也聖人之為法常治之於未為之先使其心 之過也世之為法者莫不欲禁暴亂貪猾能偽盗竊之 者豈有自速危亡之心哉而子孫卒不免馬者其為法 漢唐雖為法不同而自速其危亡則一而已夫有天下 亡於暴虐者隋也此五世之君惟問之亡為天命秦隋 金にノロアノコー 人而此數者常布滿海內之獄不為少止豈為刑罰之 不重哉俟其為暴亂貪猾說偽盗稿而後禁之而不能

治天下有道仁義禮樂之謂也治天下有法慶賞刑誅 **談為蓝醢故功成而民不病棄穀栗而食塩醢此亂之** 能傷也此聖人治天下之法也 たこううんいう 之謂也古之為法者以仁義禮樂為穀栗而以慶賞刑 不敢為亂易日積豕之牙吉積牙非無牙也有牙而不 自知其非而不肯為故為法者不煩守法者不勞而民 **所繇生也山谷之民固多不待蓝醢而生者矣其害不** 深慮論五 遊志衛作

之以為仁之故彼將日此虚言耳奚可用哉告之以為 足信哉此聖人之道所以見棄於世而不振也持劍雄 世者縣夫虚言而不為事實者始告之以為仁而不告 金丘四日全書 義為禮樂而不告之為之之事被將日此特其名爾安 而告之人寧有不知其美者乎仁義禮樂之為人忌於 非也夫仁義禮樂之道非虚言而已必有其實本其實 遂止哉人性非好死也常趨死之道而建生者告之者 過贏億而無力以塩醢為食不至於腐腸裂吻而死豈 卷;

之為仁非持日仁而已也必有仁之政欲民之無饒也 雞豚欲民之安也不為苛役以勞之欲民之無天也不 之有養祭享賓客之有奉也教之陂池而魚鼈字柵而 口授之田欲民之無寒也教之桑而帛麻而布欲老者 關不笑則怒矣故欲人之見信必先示之以其事聖人 盾而謂人曰我善關人必信之儒衣冠而謂人曰我善 とこうシーニ 至於獵而不傷靡卵熊而不斬萌蘇皆仁也其為義也 為煩刑以虐之親老子獨者勿事胎育而貧者有給以 逐志新集

蹈之事充而大之至於和樂忠信不怨不怒而易使即 於五倫叙而三網立為樂之政而使民自咏歌搏拊舞 禮之政而使民自揖讓拜跪獻酬之微各極其敬以至 惡之效推而至於安生而達分尊上而趨事皆義也為 之儀學於問也使其知長幼之序書於鄉也使其知善 賤衡量也以信多寡饑寒也減其力役之征畧其婚娶 動定四月全書 必有義之政上之取之也有常用之也有節均之也有 分疆界也以防其争鄰保也以治其歡車服也以昭贵

人之用是四者持之以堅凝而守之以悠久如待粮於 者有所畏也治天下而能使人耻於為非雖無刑罰可 也仁義禮樂入其心民雖知可以為亂而不能賞罰旌 膠結而不可解有不齊者從而以法令之則令之易服 秋痛泉於深必得其效而後止四者之化成天下之民 たこり日 /ing 民常好亂而三代之時未嘗有一民為亂者治之者異 而治之不難故三代之民非異於後世之民也後世之 誅動其心民雖欲為亂而不敢不能者有所耻而不敢 避志齊集

為未足以盡天下之變於是推仁義而寫之於法使吾 意者未有不亂法者也古之聖人既行仁義之政矣以 道者不能守法者非知立法之意者不能不知立法之 智者立法其次守法其次不亂法立法者非知仁義之 矣三代以下雖有賢主而不足致治者欲使民畏而不 知仁義禮樂之說也故為治不可以不察也 也恃法威而使民畏民其能常畏乎及其哀則不畏之 深慮論六

12 1.10 101 1.11 10/ 心勿守之可也知其善而守之能守法者也知其不善 人守之可也誠反先王之道而不足以利民雖作於吾 意將以利民爾故法苟足以利民雖成於異代出於他 舜之世有不該誅而海内服其公以其立法善而然也 一該其民其民信之日是非好法行也欲行仁義也故堯 而不犯中乎法者知法之立無非仁義而不怨用法而 一之法行而仁義亦隱行其中故望吾之法者知其可畏 夫法之立豈為利其國乎豈以保其子孫之不亡乎其 逐志新集

·莫及也當秦之亡其患不在乎無法而患乎法之過嚴 金月四月全書 不患乎法廢而不舉而患乎自亂其法故蕭何既損益 李之平縣是法不可行也蕭何曹參世所謂刀筆吏其 功業事為君子耻稱馬然何之立法參之善守法後世 而不用而一準其私意之法甚則時任其喜怒而亂予 非是其所當非而非其所宜是舉天下好惡之公皆棄 以私意紛更之出於已者以為是出於古之人者以為 而更之亦能守法者也所惡乎變法者不知法之意而

たこうえんたう 一代之典曹參繼之即泊然無所復為參之才何之所 聖矣故國有治於疎畧而亂於過為之計過計者未常 為智泉人之所知而不用其智之為智非君子不能孟 善為寶玉計者器既成則寶而置之勿動可也日持而 之為萬全兩大天下譬之質玉然法譬則韜藏之器然 畏非不能有為者也特恐變更而或至於亂不如固守 弄之携之以示人挾之以出遊失手而墮地不碎則缺 不笑球界者為愚而不知政界者為智大也故用智之 遊志确集

者而不繇於積德固不可也漢唐之高祖或起於隴部 偶致乎項籍李容奚為而不有天下此世儒難通之論 者亦行其所無事而已 子曰禹之治水也行其所無事也豈止治水哉治天下 也然匹夫之家致十金之産其先必有忠信之人謂王 金月四月全書 或與於世族非有數十世之積累如周之先公而傳 謂必積徳而後王乎漢唐奚為而有天下謂天命可以 深慮論七

とこううとよう 恐不足以承天之命不敢以天下為樂而以天下為憂 俾各得其所也善於知天者不敢恃天命之在我而惟 周是也雖無積於其先而有聖人之心者亦必王其亡 天之立君也非以私一人而富貴之將使其滔育斯民 者侥倖乎天命者也暫假之而已矣秦隋五代是也故 也必與積久者異漢唐是也二者俱不足以王而得位 累世之積而又有聖人之德者必王王必久而後亡成 百年之久謂不繇於天命亦不可也然則安所決乎有 遊志齊集

創業之主仁不仁天命民心之所去就也創業者不患 寧可得哉欲知天命之永與促視乎創業之主可見矣 易必酱息之長遂之使其人喜悦而不忍易斯可以久 然後天命可得而保矣令牧人之牛羊者欲其久而不 法制之不修刑罰之不嚴而患乎教化不行風俗不美 牧矣茍鞭蓋之餞渴之死亡其所授而欲求其不已易 澤之以大德而結之以至誠使其心服於我而不能釋 視斯民之未安猶赤子之在抱養之以寬而推之以恕

多月四月子言

誠能施教化美風俗其後世雖有冥愚暴悍之主天猶 容而不遽絕之周自文武以降更足以亡國者數君而 不亡豈天私之而然哉思創業者之德而不忍也夫既 無先人之積可恃以不亡又不及已之身修德以庇其 大下 DISTALLE IN |禍常起於人所恃而出於意之所不虞其故何哉人可 聽勇之士多死於鋒鎬聰明之士多敗於壅蔽天下之 後而曰天命在我何往而不為秦隋五代之歸哉 深慮論八 逃击衛焦

育變色而不敢動非畏之也不知持挺者之勇怯也使 者默其謀有力者効其力凡一藝一能之士皆為之竭 人號於賣育之門日我勇盖天下賣育則笑而殺之耳 恃之所生禍之所举也匹夫持挺而立於賣育之前賣 以有德而不可恃其有德可以有才而不可恃其有才 不出於口太色不形於面以旁求於當世之人故能謀 以盡萬物之變才足以通萬事之要而心常欲然夸辭 何哉真勇者固未常自恃其勇而驕人謂聰明者智足

金以上屋台首

聞日狹矣見聞既狹於是奸諛之徒謬為里餡以媚適 聰明也夫尚自恃其聰明未有不敗於其臣者也蓋恃 盡而不敢欺之以其所處者謙所求者廣而不自恃其 たこうし シュラー 以為聖賢相逢雕然共政而不疑其時雖告之以為壅 唐德宗之於盧祀宋高宗之於秦槍方其任二臣也自 權潜移於下而禍亂來之以起皆自恃其聰明之過也 將順之於內而竊其威柄妄行賞罰於外是國家之大 則自盈自盈則耻聞過耻聞過則人不告之以善而見 遊志齊具

東平之任王莽元宗之任李林甫皆以任之太過而亂 之所笑哉然則其所恃以為聰明者乃愚之甚者也故 蔽彼固以為妄言而不信矣孰知為計之愚適為奸臣 金月四月百十十 世之言治者亦難矣為任人可以治則二世之任趙高 如是而好於自用者未有不敗於壅蔽者也 居其才不贵乎聰明而貴乎取衆庶之言以為耳目不 人君不贵乎智而贵乎不有其智不贵乎才而贵乎不 深慮論九

たとりによう 以用賢才治百官變風俗足民庶興禮樂而綏夷狄如 簿書之事不使親其勞獄訟之微不使入其心惟責之 明使讒佞無所進其讒信之以專使便嬖不得挠其功 亡然則果何縣而可治乎任人可也不得其人而任之 之賢人君子委之以政推之以誠而待之以禮燭之以 不可也躬政可也自用而不用人不可也四海之事固 以為自用可以治則秦始皇隋文帝皆以自用而致滅 一人之所能知也君人者能正一身以臨天下擇世 遊志齊集

如日月之運為力不勞而纖微畢此如雷建之威為勢 其大綱以提撥天下之勘怠洗濯天下之昏穢使吾身 任而已不可自逸則常博求聚庶之善施之於政而持 農之望糖旅之望家必俟其至而後已尚有成功任之 金月四月五十 人則賢者可得而亂無自而生矣其或羣臣之才不足 而屏之不為少恩也罰而死之不為過暴也以此道任 終其身不為久也爵之極其崇不為濫也功尚不成點 不猛而萬物自憐則雖躬親聽斷亦何害其為治哉昔

足信而必欲使天下之事皆錄已出故往往流為苛細 之徒則許請凶殘之小人爾用是而致亂非任人之罪 之任人而亂者衆人之所謂賢則不任必取其意之以 とこうらんな 者也夫為君而不能任人是猶御而不能轡匠而不能 也不能擇賢之罪也好為聰察則不然以為羣臣舉不 為賢者則任之而不知其意之所謂賢者非希肯迎合 **斵用力雖至而不能成功任人而不得其人猶憾而不** 深刻而亦卒底於亡此非不能為政也不知為君之道 遊志齊集

多分四屆全書 以絲斷而不以斧也曰然則欲治者將何先曰明以擇 為國之道莫先於用人用人之道莫先於作其好名喜 功之氣好名喜功之人守常之主之所惡而創業垂飲 化而不自知此作氣之術也王良之馬豈皆騏驎哉當 足用善用人者拔一二於千百而使千百之人與之俱 誠以用賢 君所願得而樂用者也舉世之才未必皆賢未必皆 深慮論十 卷二

一次至四車全書 選志新集 義而盡過於人哉所以作之者異也人有好名而强諫 侍王良左右之人亦不知其為何為而頓異也獨良知 麒麟當其化也馬不知其筋力曷為而化而執鞭策日 如一馬然非無獨劣下才者也雖獨劣下才者皆化而 雖有善馬皆失其所為善堯舜之世其人豈能素習行 作其氣馬爾故以驥待馬則馬皆驥也以駑駘待馬則 之|爾馬之材質得於天者已定王良豈能增益之哉能 良執轡馳車武之於郊徐之則徐疾之則疾萬蹄之驟

矣鳥顧其出於好名哉善用人者因其所長而用之而 直部者有好名而修廉潔敦信讓者自其人言之則好 名信非善事矣自有益於國言之取其有益於國斯可

名而願行其道者無不至而吾之才不可勝用矣彼喜 以立功能與禮樂理風俗則喜挾其所能以立功然使 功者能治民則喜因治民以立功能用兵則喜因用兵 不奪其所好彼好名也吾因而與之以名則天下之好

各盡其才而如其所欲則其所立非彼之功乃有國者

職廢而天下無奇才百行隳而天下無善士非真無其 壓之使其氣消沮陨獲而不振然後授之以位於是百 作氣之道不能用才者則不然恐人之好名而不肯假 之功也用一人而使喜功者皆至於國何損乎此之謂 文己日日/itan 傑之主其孰能知之 人以名恐人之喜功而不肯使其立功甚则抑挫之倾 也不能作之而然也此其為街至愚為計至私非 避志齊其 主

金人里居自己 遜志齊集卷二

患挾其學以驕人邈乎無為澹乎無謀以任天下之才 智而不與之争能則功之出於人者猶出於已也持其 人君不患乎無才而患恃其才以自用不患乎不學而 欽定四庫全書卷 雜著 遜志齊集卷三 君學上 方孝孺 撰

大三日日 八五十一回

偏長小數以與臣下較鉢兩之優劣使才智之士不獲

遂志衛集

皆聖人之所棄者而恃之以騙人則適可疑當以害其 金与正五百言 莫邪之器而不能用未有不為大禍者也况彼之所得 狂夫得之或以濟其惡而為盗宣戈與天之不善哉挾 以取敗蓋聖賢之學不傳人君既不知為學之道而復 於學無所知然其聽言任人與知道者無異陳叔寶楊 盡其所欲為是曷若不學之為愈乎漢高帝椎樸質厚 不能用其學譬之兑戈垂天王者用之可以伐偕亂而 廣好自於伐以為羣臣莫已出而其所以自員者適足

とこうこと ノ・エー 成以其術自奮何患有所不知哉學之不正而欲徒務 者為之謀仁者為之守勇者為之戰而藝能才美之士 非數者而已而必皆以正心為本正一心以對天下智 為學之道雖殊然其大要不過敬天仁民別賢否明是 並索之 宣惟勢有所不能而亦安暇事於此古之聖王! 鮮實制度之辨勢而少功人君欲如學士儒生無窮而 也過高道政事者得其用其失也過雜文幹之習華而 身而已學至於近世離而為四言性命者得其本其失! 遊志衛集

金分四月全書 乎學以之治身且不可而况天下乎

將欲應天下之變而計謀規法不素倫於吾心一旦事 君學下

君不可不學也人君之學莫大於治心立政而治心之 變雜陳乎耳目之間其不至於瞀感迷亂者鮮矣故人

術有五持数以弭安危之的寡欲以過侈縱之斯養慈

爱之端以充其仁伐 驕泰之氣以固其守擇賢士自輔 以開其那五者立然後可以為政而為政之方有八明

變此為政之本也而未及乎政然能是八者則政可以 飲定四年全書 题 於無斷智而不入於許妄納諫而能委任無逸而能不 而行乎堂階之上惟其颠逸而不可制傾覆而不可收 舉而措之矣存之無形索之無方而其動無常者心也 而不至乎苛宽而不流於縱嚴而不迫於刻仁而不消 至老兢兢然不敢少肆故雖在位數十年而政教行乎 聖王之為學必先治於心如操六轡以御悍馬奉盤水 自旦以至夕自起居飲食以至次大事處大變自肚以 遊志齊集

學以治其心是以恒見其不足的自不足則於治也何 者無加遐荒遠邑無飢寒之民而憂勞之意不敢怠有 天下者如一日國有百歲之儲積而宫室服御奉其身 宽或至於弛好謀多敵於輕信推誠每失於小人或始 於恭儉而敗於驕泰或初志甚銳而旋致縱怠漢之文 有哉後世人主不知學以其天資之所近者為治好仁 景武宣唐之明皇憲宗其才非不美也而不足以庶幾 則好息而無斷任察則并細而少恩廢程嚴或近於殘

次定四車全書 题 选点角兵 智周乎萬物才高乎聚人者可以取天下而不可以守 之勢內不能學外不能親異此人君之不幸也 後久而不變持其所長自以為能居億兆之上處尊榮 不明不以才自名者無所不成德治令字而人莫能忘 而未能使天下悦而不忘善為智者盖有不用智而無 先王之治者宣非不能充之以學故哉人惟知不足然 天下仁足以施法政義足以治乎民心者可以守天下 君量

量可以容之者孰能有之人能辭萬鍾之禄而或色喜 然而行悠然而近海漫浩渺不復少肆者以其量素足 萬里勢之所遇聲之所吸海泊乎其可畏及趨於海泊 其仁義其惟量足以容天下者能之乎洪河大江奔注 而後為者未足見人之量惟其猝然遇之視之而不驚 以容之也天下大物也其動也無端其變也無恒自非 此非有量不能也古之聖王叢之以極繁至擾之事而 一金能屬三軍之帥而或呻吟於一指其出於計度

というらしい 若視日月不能幾之者宣皆其智之不能質之不遠乎 之大於處盛美而不居然後可見其量也後王之於古 食息於平土而不與馬蓋於其功德之盛未足見聖人 民時雅不異於洪水溫天之時舜居乎法宫而朝萬國 黎庶功高乎在古而不少見於群色宣强而為此哉其 處之若無投之以深憂厚懼之變而應之不勞恩及乎 與陶漁於河澤之際無異禹舉天下於魚鼈之波而使 所操持者大所涵蓄者遠事物不得亂其中也堯視黎 遊志齊集

於世者庶官百職之所為無所用其才智而才智之士 速盈而易驕可以利害動而不能用夫才智才智自見 金好四月全書 善惡各得其所之謂君生民之初固未當有君也衆聚 能均天下之謂君臣覆兆民之謂君立政教作禮樂使 成為之用非聖人其孰能之 而欲滋情熾而争起不能自決於是乎有才智者出而

君長之世變愈下而事愈繁以為天下之廣非一人所

使之操禁辱修短之權位乎海內之人之上其居處服 情然非天之意也天之意以為位乎民上者當養斯民 大小り車小手 立君所以為民非使其民奉乎君也然而勢不免栗米 不足而教所不能不可不致夫尊榮恭順之禮此民之 布帛以給之者以為將仰之平其曲直除所患苦濟所 天地之嘉美珍奇以奉之而使之盡心於民事故天之 御無以大異於人不可也於是大其居室彰其輿服極 能獨治也於是置為爵扶使之執貴賤之柄制為賞罰 遊志齊其

德高衆人者當輔衆人之不至固其職宜然耳奚可以 能自安其生而明其性故使君治之也民之奉乎君者 嗚呼其亦不思其職甚矣夫天之立君者何也亦以不 為功哉後世人君知民之職在乎奉上而不知君之職 不舉禮樂之不脩强弱貧富之不得其所則若罔聞知 不修賦稅之不時力役之不共則誅責必加馬政教之 在乎後民是以求於民者致其詳而盡於已者卒怠而 何也亦以不能自治與自明而 有資乎君也如使立君

誅削之典莫之加其曷不畏乎天邪受命於天者君也 於公鄉大夫百執事遂矣怠而不自修又從侵亂之 事莫不有職而不能修其職小則削大則誅君之職重 其職天其謂之何其以為宜然而祐之耶抑將怒而極 受命於君者臣也臣不供其職則君以為不臣君不修 而無益於民則於君也何取哉自公卿大夫至於百執 えこりられた 絕之耶奚為而弗思也天與人其形雖殊其好惡去就 不甚相遠也使君命一人馬而治民而困路之厲虐之 遊志衛其

一金年四月全書 四 其有不然者乎怒而能全其禄位乎天之於君雖不若 心未見鉄鉞而畏威未見鞠訊而遠罪潜修然改於問 君臣相接之明且著然未當不明且著也幸其未形以 知民不可以威服於是寓華姦剷暴之意於陳緩不切 為無憂幸其未至以為愛已嗚呼其可果恃也乎 之為使民優柔揖讓於其間莫不統然有自重知耻之 無法不足以治天下而天下非法所能治也古之聖人 治要

其何畏之有欲人之重犯乎法在乎不輕用法於民吾 情視易知之法法已窮而其變未已未有不為竊笑而 陰誹者也善用法者常使民聞吾法之不可犯而不使 之為用淺陋而易知民之為情深能而難測以難測之 闔田里之中若有臨而督之者彼豈恃區區之法哉法 誅殛而或被其誅殛者必不能以復生也如使鬼神臨 民知吾法之果可畏夫人祗天而懼帝者以未當被其 しんりい ノニュー国 人之庭捽人而擊之則愚夫鄙婦皆思持挺而逐之矣 遊志病焦

新兵匹库全書 |害名之事慎忌而不為使皆不愛其死則將紛然驚肆 矣吾視笞罵為大辱重而施之彼亦以笞罵為足耻而 馳逐於法令之外趨死而不顧雖有法何足以制之聖 要者刑人接於市而人談笑犯法不為之少良人惟以 畏避之矣得其要祈者能使民畏笞罵為殺戮不得其 視殺戮為輕刑而數用之彼將輕吾之殺戮而數犯之一 人之治不恃斯民畏吾之法而恃其畏乎名不恃其畏 死為足重也故知樂其生知生之樂也故凡可以賊身 卷:

天下之民非能家說而人誘之也而人以能是為祭不 次定习草全島 於司冠其心達乎義故知畏乎義而惟恐或違之也事 能是為辱書之黨正族師之籍如受命於王庭而就刑 一每周甚於刑矣孝友睦媚任恤有舉先王以是數者勸 與被木索嬰金鉄者無異此何必刑哉加之以不義其 石而畫其衣施之人身非有毀形傷膚之像也而使情 乎名而恃其畏乎義夫獨冠素組玄冠鶴武與坐之嘉 遊之士不齒之人與魔乎法者服之坐之則慚悔愧恨 遊志衛集

常以是寓夫御世淑民之精意使民奔走慕悦無所厭 |之有功則過矣人主莫不欲民之與於孝弟禮讓也而 後而不自知其由世俗不之察以為迁遠而不若用法 固有類乎不急而為用至要甚微而為化甚博者聖人 而不從而謂虚名可以服其心其事若不近人之情而 不免怠肆而汙僻則法果可以禁之乎法加人之肢體 人不免悖德而蔑教莫不欲吏之奉職而循理也而吏 理有所宜然者不可不察也二人治家 一以變色不言

次已日年 上午 法不以嚴在示其意向而已辱莫大於不得同於恒人 别之行為人所平者使不與恒民齊則民莫不修其所 **總舉坐以酒而飲一人水其愧甚於刑及其身耻為醉酒** 為不肅矣示其怒者雖異而其為怒則同人見其色之 為怒一以籍捷詬罵為怒自其嚴者言以變色不言者 者所輕笑也良淑之民皆冠緇布德為民所尊者加識 可尊而去其所可卑者矣吏以廉潔稱者歸則服其服 不易變也於其偶發乎面其畏且恐與籍捷何擇哉故 遊志衛集

一貴賤任無崇甲以政之廣狹為崇早有罪者始則異其 之俗成矣夫的可以變易風俗雖有甚難至遠之事先 然後刑戮加馬人知刑罰果出於不得已而行於果不 冠服次則殊其里居如是而不悛則誠不可與為善矣 類也等其田里別其室廬使民無貴賤以德之萬下為 王之所樂為也况其易者乎易者忽之以為疎而不屑 可不怒也必能自重其身知麗乎法者為可耻而禮義 不能以義退者異其服以處之則德惠盡其職矣推是

金少也五百百

卷三

為難者重之以為髙而不敢為則是聖人之道終無 而行也悲夫 官政

欲天下之治而不修為治之法治不可致也欲行為治

之法而不得行法之人法不可行也故法為要人次之

二者俱存則治俱弊則亂俱無則亡偏存馬則危世未

一管無人也然取而用之與用而責成之無其法則猶

人也今禄而仕者無虚位水其知職而不処乎禄者無

遊志衛俱

大三日本人江西 图

金分で月月月 **耸不振者頑然食乎其間而不以為非其患在乎取之** 幾人法非不密也而貪暴者不為止怠鄙者不加畏關 過雜持之過急待之過賤而無除不明耳奚謂取之過 之中固已燒然有異於衆而為聚之所服善用人者取 雜可以治人者必有以過乎人也過乎人之人居恒人 知者之稱其任各勉於自修而無有僥倖乎禄位之心 其為衆人所服者而用之故人服其上之知人而歎受 使無以過於人而用之於治人之位則人必以上為瞽

暖蓋人必有樂乎位也然後思固其位安其身也然後 |意口彼循吾也何以治吾彼與吾等也何以聽吾之曲 大三日年八五 益不自重而為毀廉蔑耻之行何謂持之過急待之過 勢不尊威不行而令不信於下知不為衆之所與也則 直於是處士以不仕為萬恒人以得位為宜而仕者之 而以得位者為冒莫不自以為可用而有賤輕禄位之 而價位者畏避而不為可以得名譽華龍者慕效而為 自爱其身知其身之當愛位之當保然後凡可以戕身 遊志衛集

宣帝好能吏而吏多以善治稱四海之內仕者之衆不 莫之救欲其有士之行烏可得也何謂熙陟不明天下 之馭之以不得自專之法加之以非其自為之罪役之 有才者沉鬱銷沮而不能自見妄庸之人苟且攫竊而 可謂無才也而不聞卓然以才稱者以非上之所好故 之所尚視乎上之所嚮漢文好寬厚而人多化為長者 以非其所能之工富足則快樂而獲存廉節則死亡而 不知處耻誠使擇異常之才居四方之大位俾各察其 表三

金好四月全書

上之好惡如日月之昭明人寧有不化者乎利乎報而 歌足四軍全書 一题 |君子不先示之以得失之理未見其處從也言治道者 為善者君子以之存心則不可然欲化舉世之人皆為 雖有過再有三有而後加以罪勿辱其身勿役之以小 陟之於州於府加賜禄秩以旌之果不才矣可任則姑 人之事取於民誠貧矣則收其禄役其身俾不齒於士 武之以事不可任則歸之於民處已誠廉矣則厚其禄 屬之才鄙廉否言其狀於朝而進退之果才矣自縣而 遊志衛其

治天下者固不可勞天下之民以自奉也然不能使天 之以刑使恩惠常施於君子刑罰常嚴於小人則寬不 德皆近似而不然也一任乎德則為惡者苟免一任乎 刑則為善者無所容皆不可以致治惟本之以德而輔 至於縱猛不至於岢而治道成矣 不求其本急近功則謂德不若刑務教化則謂刑不如 下之民知道而易使亦豈足以為治乎當昔之未有君 民政

飲定四車全書 题 千五百家為鄉以屬乎司徒五家為鄰五鄰為里里四 上者猶以為未足也復制治民之法使五家為比二十 甲之禮仰賤事貴不肖聽於賢由旨吏以至於大夫公 五家為問百家為族五族為黨二千五百家為州萬二 卿由子男以至於諸侯各敬其所宜敬而各事其居乎 放恣無所統屬非久安之道也於是制上下之分定尊 臣也民頑然如豕鹿猿孫餒則食飽則奔逸跳擲而不 可制欲馴之且不能况欲使之乎聖人者出知其散漫 遊志衛乐

以五两卒伍師軍以知其數習之以師田飲射祭祀讀 敢少有忿怒避縮之意三代之時非不役民也而未當 之則前退之則却其民常知恭順忠愛事上為當然不 車輦旗鼓兵器之稽可按籍而知老弱肚少可任與否 法以一其心書其善以作其氣罰其惡以折其驕六畜 為鬱鄭五為鄙鄙五為縣縣五為遂以屬乎遂人聯之 不必問乎民而具上有所興作朝出一言而暮已集進 有一民敢發不遜之言豈其威力足以制之哉其法素

備其教素明民皆知道而易使故也戰國之君不知先 泰而後興亂後世亡人之國者大率皆民也其禍實自 慮亦可以為治斥絕遺與而師心自為既已失矣而秦 王之用心務為首簡之術以為不必如先王之煩姦過 大小口戶 在 秦始秦之民即三代之民在三代之時則尊君而附上 而走耳安能以可生之身蹈必死之禍哉故斯 民至於 熟首譬之去悍馬之羈勒而臨以鋒及彼有蹄齧騰躍 又幷燒除刮絕之不復有為治之法而徒任刑罰以到 1 遊志齊非

法以維之無数以淑之而不知道故也二家之童其 當秦之時則驚狼凶戾視其君如仇警豈民之過哉無 金分四月月十 之法猶願無死而不食也致亂之由非 乎有過也治天下者未嘗願天下之不治而不修致治 自幼教之以拜跪順悌其一恣其詈言辞語而不禁 日犯上而賊倫者必自幼不教之人其知教者必不至 而殺之易易耳亂亡所以相踵者無賴者為之倡好亂 民無法治民之法既定世有叛将亡卒挾姦而筆累勢 一端莫甚於治

之民皆起而從之也使斯民皆知君臣之義或有狂夫 在民出乎其間泉縛而告於司冠何亂之能成茲欲復 意為之法乎今之役民雖不能歲止於三日亦未至於 井田行周制如先王之時固難矣獨不可稍取先王之 令方行而民已如此設使不幸而威令有所不行何望 文已日日上十三日·题 其從上之命乎此治民無法教民無道而不知君臣之 不當為發憤懷怨而就道甚者或逃匿而不從上之威 厲民也終歲休於家縣官役之以數日之事已若為所 遜志衛集

一药不知君臣之義少不慊所欲則攘袂而起其危亦甚 矣鳥可以為不急而不務哉欲民易使莫如放鄉鄰節 者以父子之倫不可悖也人君之政宣能皆合乎民心 義使然也為人父者未必皆無過舉然子不敢逆其命 者為上而厚賞以勘之以乱計敗類者為下而屏默以 之以讀法開之以古訓春秋合之以祭祀和之以飲酒 **導其忠順之道罰其不率令者遇有徴發以趨事先為** 鄙比問族黨之制執其中而用之為之正若長者月申

文色日本 在 不自知者周之所以得民也欲人之服從而炳然示之 寓控制天下之道於迁遠不急之法使人陰服乎上而 愧之上之人又能 躬行以成俗立學校以明教則民可 不能沉三代之舊法乎故民易治也在乎治之有法法 不能自存之民從吾之令雖堯舜之仁周公之智有所 漸化矣然必制民之産使之無死亡之憂然後可苟驅 可行也在乎養之有道 成化 逐志齊集

金之類也其於民也未能教之知義而禁之勿為亂未 使不敢近則可矣不能制之於先同其既食而擠之於 拙陋而不為者也惡犬升電而食糜少嚴禁而預防之 以服人之具其服也必不堅有意於服人先以養人者 能教之知孝而禁之勿悖慢視斯民真頑愚僻與能豕 未當不笑周以為迁而其為治之術固周之所笑以為 金雖可以快意而釜之靡 宣可食哉秦漢之法擠大於 示之使天下成化而歸已此誠能服人者也秦漢之君

金グセノム

時不畏矣故以刑罰為威者威既褻而亂生以禮義化 乎不切也歲時則讀法春秋則會射鬼狩考其善而書 民者俗既成而分定能使民畏禮義如刑罰而不敢犯 就儿席而無所避豈不可畏哉畏極而玩玩極而怨有 誅滅之典斷馬行之而不顧威令既立使人視斧鎖如 麋鹿無異不少置於心而為之計及其麗乎刑則三族 一十五家置之胥百家置之師五百家立之正其事似 則刑罰可措而不用矣周之盛時是也五家置之長

大正四年八三

遊志蘇集

久矣周驟以禮義絕之俯仰揖讓於規矩之中而不勝 紛思亂久而後定者以法制之縣而然也蓋殷之政亡 然武王周公以至仁易至暴宜其悦而順也然殷民紛 之斜其惡而戒之民之得休息者寡矣其事似乎太煩 久習而俾為其所未見非特令之人病之雖周之民亦 法具在今欲為此不難也而民必以為甚病夫變其所 其勞則思其縱逸之安固恒人之所同然者况今之世 然則周卒以此而治熟謂果煩而不切也哉周之成

金牙口人台灣

為之以漸可不擾而復也稍揆其當損益者而疎暑之 承大亂之後乎然先王之道所以利民而上無所利能 争也雅成屬於縣雅有長以有德而文者為之保有師 也十睦為保保者言相助也十保為雍雍者言衆而無 民可不甚病也宜定其制口民家十為睦睦者言相親 传老者坐侍令少者一人讀古嘉訓已正為釋其義戒 以有行而文者為之睦有正以忠信篤厚為十家則者 くこりらしたり 為之同睦之人月之吉咸造睦正之廬正中坐餘立而 遊志衛集

北向跪而聽讀既正書衆名於册列其所為於側善惡 勸之衆皆揖而聽一人讀邦法已正立而宣數之衆皆 金为四月全書 成具無惡者為上善多者次之善惡均者為中惡多者 孝曰弟曰親鄰曰恤貧曰助同睦曰敏好學其惡反是 為次中無善者為下正飲衆酒位皆以其行為差下者 保有學以教十陸之秀民四時各一會如睦制而畧其 而無善者罰及之異其服不齒改者免之其善之目曰 不界酒不命坐三年而無惡者告於縣而復其身三年

とこううここう 雖非同睦行族禮童子則學於睦之正取其羣而和睦 一行同睦同保遇相揖作相助語相讓飲酒相命召若族 未達則問諸學農而服則惟學之遊以豁善言以法善 聞則復教之而復升之凡睦之民有未達則問諸正正 而善則升於縣而復其家點則於睦俾家之修修而有 治經而知理射而中習禮樂而安知書數而適用月試 教之法取其孝弟忠信之行取其端莊和敏之德取其 而升無之升則於雅雅亦有學其教如保而加詳雅試 7 遊志縣集

後凡民力征相先栗賦相率上之所令胥勸而趨藍死 正保師雅長縣歲考其續而升易之為此下疑者其家 仁宗有願治之心而治卒不如古者以其不法古之道 見矣嗚呼周之盛至於今三千年矣漢文帝唐太宗宋 化者哉由是道也近者十年遠者數十年周之治可復 察之使不至於弊而朝廷都邑皆以禮為治民寧有不 棄好佞而巧者此其要也持而循之使不至於壞謹而 而絕者食病而實者敬德而文者執强悍愎而敗類者 发j 三,

金片四月全書

淡色日草白馬 到 以不成才為病不若人為耻各思勉為君子而不可止 者宣能益人以藝增人以智哉為之之具素備能使人 人可稱者養之無其漸而教之無其法也古之善育才 事立事無難成也舉而措之如斯而已矣 天下非無才也聚數萬之人養之十餘年而未見有一 無志有志無難為也患乎苟安求安無難致也患乎畏 而失光王之意也道之行豈非難哉然為天下者患乎 遊志齊集

容而已肆然有爵禄之心太學學而教之者又不越乎 馬則又納於太學計其所習曾未知拜跪之節與俯之 場被之以衣冠而納於郡邑之學終歲春月太學有徵 如此後之所望以為才者執子弟於販鬻之區弱牧之 完而德備藝成而器良然後措之於用蓋其詳且慎 太學求之以六德以觀其內試之以六藝以觀其外行 任邱則責之以孝弟娟睦其本固已美矣及其漸升於 也故自其少時居於問族而問胥族師不責之以敬敏

ゴンドノノー

為恒人而自謂不必修君子之事也太學之所聚郡邑 火こりをいす 哉夫國之立學所以養才必不期其至此也為學者雖 之所教成有苟且之心無賴之行其其才之成奚可致 一是學者以習恒人之淺事冒竊禄位為得計莫不相勉 者既不自知其不可而命之者亦不責之以其所學於 無志於道德亦必不自望為恒人也而卒不能有成者 有求馬則以應之御大夫之位有闕馬則以為之為之 誦書業文挾弓矢角膂力恒人之淺事歷時未久有司 遊走齊集

徳不求其全而取其不違乎道藝不求其備而貴乎能 未見才之可成也然則何由而設教乎蓋聖人之取人 之所不能及六藝禮樂之度數節文孟子之所不能詳 非他用之速而教之疏也古之六德智仁聖之事顏関 也然不法古人而惟弓矢膂力是效誦書業文是為亦 所未習今欲責學者皆法古人而盡備之宜其未易為 致其精唐虞以九德待士而有三德者亦俾為大夫有 射御之工杜預羊枯之所不能無書數之法君子猶有

金分口戶台書

以為求人太全則天下無全才不若因德命官之為無 欽定四庫全書 题 所為之事伯夷后變宜亦有所未能然而數子為之各 六德者亦仰為邦君聖人豈不欲得全德之人而用 以自圖若才與藝則有能有不能欲强而通之非惟不 稱其位而成名於後世以其精不以其備也人惟行 者莫如本之以六行餘則因其質而設其科人有到毅 足得其所不能且將并其所已能者而失之故善立教 失也皐尚未必能達禮益极未必能知樂而益稷皐陶 遊志齊集

者使曲狗衆人所能必不能堪苟因其所固有而教之 儲也終良順愛者必可以治民則因而教之平賦施惠 益折東以驗其為勿使色屬而偽者得參之則大臣之 而通敏者有沈勇而有威者有多力而任武者此六人 而重厚者有慈良而順愛者有疏達而明斷者有强識 之方振灾恤患之道辨邪察狱之事理俗與化之要勿 因而教之博通古昔之政教周知海内之得失觀其損 於成才也奚禦到毅重厚也公可以任天下之大事則

欽定四軍全書 理 黨皆言其為行而好學則取之而復其家田百畝入太 亦以六科為準郡縣之取弟子員也必問於其宗族鄉 以其所當為者教之而皆不使近似可說之人得與則 勇而有威多力而任武則將即之選疆場之所恃也各 者非其才德之美不可也大學推其法行之於郡縣伊 使柔佞而許者得參之則收伯之儲也疏達明斷者則 所用無非才而所為無償事矣此大學之政也而為師 百官衆職之儲也强識通敏者則文學典禮之儲也沈 遊志衛集

|子無才而患乎聚天下之才而不能教用天下之才而 於自立而天下之異才咸思有為於世矣為治者不患 宜厚教之也宜詳試之也宜嚴用之也宜當人知學之 為率以應上所任用都縣既升而闕則即充之廪之也 郡郡每科十人三歲各升三人於太學太學每科百人 學則倍復仕而有政則皆復學於郡縣者與郡祀與燕 可仕也則不怠於自修知各因其才而用之也則必謹 會禮異之使殊於恒人縣每科四人三歲各升一人於

行於一人之身而化極四海之內觀於數百年之前而 性豈特不患乎無才天下亦安所慮哉 別其髙下而不失其性則善馬出矣為治者能不失其 而盈谷之畜無棄者御非能假馬以力而易其性也能 者執鞭策指麾而區別之一日馬之致千里者以百計 不能擇教之而能成其德用之而能不違其器則才何 ,勝用哉胡貊之富人聚馬盈谷而不得一善馬善御 正俗

火三日巨江寺 四

遊志職其

Ī

驗於數百年之後者風俗是也故風俗之所成至微也 俗之端可不深察哉夏之忠商之質周之文其先之所 楚靈王好細腰舉國之人皆約食束務引而後能起憑 尚傳之數十世而不變守之至於國亡而後已其俗素 而後能立伊川之民被髮而祭智者知其變而為夷風 其效至著也所係似小也所由甚大也不可忽也告者 已定也故商之不能為忠循周之不能為質也周公宜 不知文之不若質哉至於商之末質漸散而繁文與矣

五月日月日書

之禮以節之作之樂以和之惟其如此故能至於七百 次已の日本書 之曾不師古而任其深刻巧岢之律不旋踵而遂亡其 所尚非道故也漢與務以寬大更之法疎禁潤四百年 其病遂坑殺儒生舉先聖賢之遗文餘法一火而盡燔 有也由是生民日流於變詐宣非文勝之弊哉及秦懲 聚蚊合以謟言邪説滔諸侯傾動天下誠二代之所未 餘年然其後亦已不勝其弊矣戰國之世遊說之士螽 周公知其莫可反也故因而文之恐其趨於浮薄也為 遊志衛集

之俗為近古尊尚儒術以禮義漸漬其民三百年之間 之基用此以立然其時朝無人不知以禮義為俗其所 俗其所崇尚遠非秦漢以下之所能及故其垂亡之際 背叛之心至於溺死於海而後已雖三代之七未聞忠 宰相大臣不受刑戮外內展官顧養無耻雖曰綱紀未 天指日雅立為帝朝夕請命如事神明卒之無一人有 因仍大率皆秦制也烏望其如三代哉至於近世惟宋 孀后少主既已就虜而其臣抱君之遺狐奔走海島誓

金少七人人

之死未久而其點首相與奮挺而呼願食其內漢唐之 良皆逼於其北面之臣而奪之 宋乃獨若此者何也秦 烫足四車全替 题 言語服食器用禮文不化而衰異者鮮矣其初尚有一 使宋無疆冠之禍尊其前世之俗國安遽亡哉以是知 棄禮義漢唐不知以禮義為俗而宋風俗淳美故也假 厚惻怛有若是者孰謂風俗無益於國哉且夫秦皇帝 二賢者教之然用宋法而亦頗以寬大為政故民亦安 風俗之至急也宋亡元主中國者八十餘年中國之民 遊志齊身

之其音不可得而調也夫欲因亂國之俗而致治雖聖 人不能也勢不可也俗之既壞則日甚而歲滋耳無以 穢褻狎殆無人理孟飯設之 咽两 西呼其翁對坐於地 此亂其俗大壞以至於今譬如與鍾漏錄非重鼓而鑄 非國家之便也上下有則乃所以導民故古者士民不 而食之為學生者亦頑不知教其於大倫悖棄若此甚 匡持之豈遂止哉今北方之民父子兄婦同室而寢汙 '然而暴戾貪鄙用其族類以處要職贖貧紊法終以 次足四東上書 2 是益堅貪者之心小民轉之窮苦割剥次骨帶產賃室 哉法令非不明也有司按四方之罪非少怠也而犯者 仰食姑取之以自給耳其設心自以為明達見執貧守 法者衆且羣指而笑之而其人亦不幸卒無赦以死於 則曰行且輸作不取何以為資或曰身死而妻子何所 不為良止點胥巨吏開口肆然徵取於人而不顧問之 下弟子或訟其師子姪或證諸父禮義不立曷所不至 其大夫今小民得以執郡縣之短長過鼓而訴之闕 遊志蘇集

安肯言死哉項者富民受挫辱於官府或號其衣而跽 宣誠不愛也哉彼見死者之多而死不之畏也且人雖 行夫偽鈔偽官之律至重也而若不愛其死而冒之者 惟實鈔為然無賴之民聚徒勒板而偽之御史中使國 以奉其無愿之欲非特為此也國之大柄可以貧富者 之無察天下者安好非男子假其衣冠符印乘傳而横 或庭拽而詬罵其心大耻掩面而不敢見人里中吊者 至愚奚不畏死彼誠見生之不足樂也知生之足樂則

立とせんべる

省無用之刑而以禮義教之夫收者之於羊操長鞭而 少馳突散走而不可制故刑者非所以治民者也不得 刑之不足化民亦明矣故欲民之重死而難犯法莫如 出於外揭其瘡以示人笑談而道之人亦不以為怪 有名之律至於死地哉令人則俱不顧矣鞭一百扶而 填其戶殺羊為酒而被除之其人亦終身以為病況犯 遠歷之未 皆及其體則逐逐然行矣的步步而鞭之則 百之刑曾不直舊時之詬罵刑愈多而人愈不知耻則

次已日本台島 脚

遊志衛集

责之而责之以禮義化民之事守令者考覈之等不以 之上皆不言他而以禮義御史出行郡縣不以搏擊 善者未當灼然示之以所尚也夫示之以禮義者朝廷 者矣學校非不立也鄉飲之禮非不修也然而俗尚未 **戾故令宜用禮義為質而行周之制令周之制亦有行** 深計也三代之變俗各視前代而變之元之俗貪鄙暴 不美至此甚矣少遲而不變法令将不足禁之不可不 已而後用民知其不得已而後用則爲忍犯之哉俗之

金グセノノ

亚與而民重其宛然後取先王防範天下至於七百年 忠信之民而尊異之使小民皆知朝廷之意在乎成俗 火三日日 三 水與三代之民同養老育幼與三代之民同獨人君不 之法舉而盡行之三代之俗必復見而成康之治不難 致矣世嘗謂古與今不同俗豈其然哉今也民毀栗飲 興利增户求之而求之以刑罪息學校興歲舉其孝弟 可行三代之政乎用元之法而欲致古之治猶食鳥啄 而不求利在分任德而不任刑則信讓立而廉耻興廉 遊志齊集

而望其引年附獨水而濟大川也 金石正居台書 君處之甚安而居之不疑者以為天下之人暖者待 而贵貧者待我而富且曰富曰贵吾有以命之則其勢 不能以自尊天下皆有待於我而吾無待於天下是 龍絡奔走舉世之豪傑而恒以是騙之而不知此僅足 人為手足而離之為仇雙其勢发乎其可畏也然而 人而加乎萬姓之上聚之為膠添散之為沙塵合 重游禄

以致狗世之士而不足為萬世之士之輕重吾以為人 累大言宏論群拒退避惟恐爵禄之行其身則人君安 次已日奉台書 题 得以此致之哉士之可以自恃者無窮而君之所以致 必待我而後富貴尊榮也彼高世者方以是為道德之 此人君之大患而不可不察其故也數寸之節盈尺之 能用將使庸夫婦人成自以為高而謂爵禄為不足貴 之士猶可得狗世者而任之操貴賤子奪人之柄而不 士者舎爵禄則無所可用用之得其道雖不能致高世 遊志衛集

進乞人而與之揖則其拜為不足贵而受其拜者皆聚 幾何足以貴人而人知貴之者以人君不易以界人知 |及日我何可與之同仕乎哉由是處士以不仕為尊以 自貴重之道也凡物貴於不易得而賤於施所不當與 而贱之矣古之為天下者能使人以不得禄位為不若 **未尝拜人者拜一人馬則人以為盛禮則拜在所尊矣** 人其心恒忻然有超事赴功之心故上無求才之勢而 無曠官之憂執野人市魁而授之以大位士之賢者

金月中万人門

心人主提其空名将安所用乎贾於千家之市欲使千 遺世為高而警爵禄為不足貴海內皆有無求於上之 次足马車全島 四 民者莫敢不服上之所用舉可以服人心則高世之士 者莫敢不服德可以治民吾從而加諸斯民之上則為 徳可以為公卿吾從而用之於大夫士之上則居其下 陳其力而不使人知自貴之道謂之善處天下不可也 物操區區之空名欲伴智者盡其謀才者効其功勇者 家之人日為市於其門猶必權物之價使人不能賤其 避志齊集

慕心生惡之而不能免則耻心的且貧賤家之豎子被 昏明愚智之不同然未 當無所好惡也好之而未得則 善治天下者常迎斯民好慕愧耻之端而導之於不言 言横議之所奪而其勢渙散而不收則何所不至哉 無可容而爵禄重矣不能服乎人心人君之權下為清 不動之中使之身勉於善而不自知粉之以解説歐之 以賞罰而强斯民之從之者化之至淺者也夫民雖有

賞非鞭朴之威而其懲有甚於鞭朴用微而效速意客 順導其性寓可慕可耻之器於人所不可離之物仰民 已則赧然愧矣其喜與愧豈有教之者哉發於性本於 とこうら とこう 而化神者其惟衣冠之品上下有制之法乎昔者成局 以華衣美服則欣然喜已不得有而見富貴家子之勝 之盛其為制蓋詳矣天子諸侯以下自九章至於一章 目接乎此而心化乎彼無爵賞之誘而其動有甚於爵 天真或使之然而不能已耳聖人之為治常因其天而 遊志齊其

自十二旒至於三旒其曲折粗見於經傳而庶民之制 慕乎善觀乎服可耻之飾者知其為當戒而禁乎惡之 推之其寓懲勸之意於衣冠之飾蓋甚倫矣夫頑悖之 之詳無聞馬獨禮記有曰野夫黃冠掌禽獸玄冠編武 不齒之服也總冠素紙而綏五寸惰遊之士也由是而 為著明乎蓋天下之民非可以一途視也或誦法堯禹 因其致師之具別以美惡之等便服者思其為可耻而 民刑其體膚創愈則痛平書其罪惡歲久則書亡曷若

多好四月全書

とこうえ という 之人或異其制以為懲勸亦不以其族而以其人非士 賢否而示貴賤哉成周之制意必有以處此而其詳不 其族有德之君子化行於鄉黨及泉所擴棄作過被罪 賈技藝百家之流於其冠服各為表識而以其人不以 可悉考矣欲談先王之治者宜稍定其儀則凡士農工 任奔走出入於泥塗草莽之間茍概而同之則何以別 而惇行道德或縱情逞力而干抵法律其相去不啻 百士君子揖讓雅容習為卿大夫之事而卑賤之夫員 遊志廝集

善之可慕而至於無耻也故因其良心之發而導之則 意經以雖動之民見有德者之被服美而邪隱者之可 族而有士行者進於士族尊之而為不善者服以其服 法愈煩而惡不止者不能迎其慕耻之端而使之不知 於擇術天下皆慕而欲為士君子斯民孰與為不善而 耻也必勉於自修見為士者之尊而執藝者之果必慎 而居民上者又接士君子以禮待庶民衆流以法微示 禍亂何自而作哉世主無不欲斯民趨善而去惡然而

金丘四月全書

一該而不足夫以刑誅之不能禁之民而欲其見吾區區 大二日年 八十 類也畫衣冠而不犯者有矣刑措而不用者有矣聖 之冠服而化此世俗之所感也然是民也與三代之民 **微示吾意而有餘丧其慕耻之心而令之雖 廹之以刑** 非王政之所當務也哉 方也事之要固不止乎衣冠之有制而衣冠之有制宣 何以致之哉蓋其施為有本未而尊之有道化之有 遊志衛集 Ī

